



Vniuersa Theologia Scholastica, Speculatiua, Practica

Ad methodum S. Thomæ, quatuor Tomis comprehensa

Tanner, Adam

Ingolstadii, 1626

II. An & qua ratione detur causa meritoria Prædestinationis ex parte Christi, seu generatim extra ipsum Prædestinatum.

[urn:nbn:de:hbz:466:1-72856](https://nbn-resolving.de/urn:nbn:de:hbz:466:1-72856)

mentem applicaret, voluntatem coniungeret, in qua latro iustificatus est.

Quod si rursum opponas, alios plus peccasse, quam istos prædestinatos: id in primis viuenterim verum non est, quia è duobus infantiis, quorum unus prædestinatus, alter reprobus moritur, neuter peccati conditione altero melior, aut deterior est, vt patet. Deinde etiam si inter adulteros, quod ad conditionem peccatorum personalium, unus sit altero deterior; sepe tamen accidit, vt maior peccator sit prædestinatus, minor reprobus: item esto, semper minor peccator potius à Deo prædestinatur, quam maior, quod quidem falso sum est; nulla tamen ratio est, cur Deus maiorem peccatorem non aquè etiam sua gratia à pluribus illis & maioribus peccatis præseruari, qua præseruauit alterum; cum utrumque ex quo præseruare potuisse, vt superior dictum; & priusquam utrumque illum committeret peccatum, quod peccati originalis conditionem planè pares essent, & ex quo Dei misericordia & indigia, & indig.

Si recurras ad alia obsecula, vel impedimenta, quæ vnius saluti, aut prædestinationi potius, quam alterius obsebat, rursum recurrit quæstio, quare non pari conditione opportunitateque utrumque constituerit; aut si voluit dispari, cur non illum potius, quam illum, tali conditione locique aut temporis opportunitate gaudere voluerit; aut cum sepe importunus quodammodo & violentus adiutor, ipse interuenierit, vt in Saulo humi prostrato videatur, cur non pari vi & efficacia gratia etiam illum faciat dignatus. Nihil ergo hic potest respondenti, præter illud, aliud. Exemplis autem cum è rebus naturalibus, tum artificialibus, tum etiam politicis eadem assertio iam ex S. Thoma, Heruæo, Durando, satis explicata est.

Ex quibus etiam patet, quid respondendum sit ad Aureoli fundamentum. Ait enim, Deum nullum reprobare, abs causa affirmativa, nec prædestinare abs causa negativa, & hinc reddi posse rationem, cur Deus unum potius quam alterum prædestinet. Sed hoc fruolum est. Nam præterquam quod dictum illud de causa negativa prædestinationis planè falsum est, vt dicetur dub. 4, certè eti Deum nullum positivè reprobat, nisi ob præsumptum peccatum, vt quæstione 7. dicetur, nulla tamen est causa, cur pari existente peccati causa in omnibus, hunc potius, quam alium reprobet, vt dictum.

Objecciter secundò. Si nulla sit causa, vel ratio, cur Deus hunc potius, quam alium prædestinaverit ad gloriam & gloriam, vel contra hunc potius, quam alium reprobauerit & reiecerit à gratia congrua, & gloria, tunc sequitur, Deum prædestinando homines & Angelos, in pari causa & conditione corunder, inegaliter ad eos schabuisse; adeoque apud Deum esse acceptio personarum; quod cum sit virtutum Iustitiae oppositum, blasphemum est dicere, & contra Apostolum Roman. 2. v. 11. Non enim est acceptio personarum apud Deum. Quicunque enim sine lege peccaverunt, sine lege peribunt; & quicunque in lege peccaverunt per legem iudicabuntur. Et Ephes. 6. v. 9. scientes quia illorum & vestri Dominus est in celis: & personarum acceptio non est apud eum. Et Cor. 10. v. 35. Qui iniuriam facit, recipiet id, quod imique

gesit, & non est personarum acceptio apud Deum. Et I. Pet. 1. v. 17. Et si patrem invocatis eum, qui sine acceptione personarum iudicat secundum unius eiusdem opem, in time- re incolias vestris tempore conserfamini.

Respondeatur cum S. Thoma hic quest. 23. art. 5. ad 3. Acceptiōē personarum locum habere solūm in distributione eorum, quæ ex Iustitia alii debita sunt, non autem in gratuitis, quæ mera liberalitate donantur, vt sunt dona gratiæ diuinæ. Neq; enim proper hoc, inquit S. Thomas loco citato, est iniquitas apud Deum, si in equalibus preparat. Hoc in me effecta iustitia rationem, si prædestinationis effectus ex debito redideretur, & non daretur ex gratia. In his vero quæ ex gratia dantur, potest alius pro libitu suo dare cui vult, plus vel minus, dummodo nulli subtrahat debitum; iuxta illud Matth. 20. Tolle quod tuum est, & vade. Eodem modo responderet S. Augustinus lib. de bono pereuerantia cap. 8. vbi ait: Qui ergo liberatur, gratiam diligit; qui non liberatur, debitum agnoscit. Si in remittendo debitum bonitas, in exigendo aequitas intellegitur, nusquam esse apud Deum iniquitas invenitur. Sed cur, inquit, non solus in parvulorum, verum etiam in germinorum una atque eadem causa tam diversum iudicium? Nonne similis quæ efflo est, cur in diversa causa idem iudicium? Recolamus ergo illos operarios in vinea, quicquid de laborauerunt, & eos, qui hora una. Nempe causa diversa est impensis laboris, & tamen idem iudicium in redditione mercede. Nunquid & hic audierunt murmurantes a patre familiis, nisi, Hoc volo? Ita quippe eius erga alios fuit largitas, ut erga alios nullus esset iniquitas. Et isti quidem viri, in bonis sunt: verum namen quantum ad iustitiam effectus & gratiam, potest & de reo, qui liberatur, rectificari. Volo: potest & de eo quidam natu. Tolle quod tuum est, & vade: hiscautem volo quod non debetur donare. At non licet misericordia, quod voleat an oculistum nequam est, quia ego bonus sum? Hic ille si dicat, Cur non & milles merito audiens, o homo tu quis es, qui respondeas Deo? Quam certe in uno vestrum benignissimum largitorem, in te vero ex alterem in infinitum, in nullo tam certius iniuriam. Cum enim iustitia est, etiam si utrumque puniret, qui liberatur, habet, unde gratias agat; qui damnatur, non habet, quod reprehendat. Hæc Augustinus; quæ in omni hac materia de prædestinatione diligenter semper p̄t oculishabenda sunt, utpote sine quibus omnis alioqui humanæ ratiocinationis curiositas, & elatio, in præcipitum fertur.

D V B I V M II.

An & qua ratione detur causa meritoria totius prædestinationis ex parte Christi, seu generaliter extra prædestinatum.

S. Thomas 1. p. q. 23. a. 8.

IN præsentem considerationem veniunt, tum Christus, tum etiam alii homines, qui ad prædestinationem aliquid coferre possunt existimantur, extra & praeter ipsum prædestinatum, de quo agendum est dub. 3 & 4.

Assertio 1. Christus est causa meritoria principali omnium effectuum prædestinationis nostræ, qui in nobis peraguntur, præsertim qui velut gratuitata Dei munera & auxilia naturæ nostræ ac donis

natu-

naturalibus accedunt. Ita iuxta S. Thomam 3. p. quæst. 24. artic. 4 habet communis Doctorum sententia, ut testatur Gregorius de Valentia hic quæst. 23. punct. 4. §. 1. saltem in communi loquendo & abstrahendo à particularibus controversijs, an hivel illi effectus, qui ex diuina prouidentia peraguntur, sint effectus prædestinationis; de qua re actum quæstione præcedenti. Certè si quos in nobis constat esse effectus prædestinationis, non est negandum, eos ex meritis Christi prouenire. Quare cum nos superius quæst. præced. dub. 2. & 3. ipsa etiam bona naturalia, & permissionem peccati suo modo, & ex parte dixerimus esse effectus prædestinationis, libenter concedimus, eos etiam ex meritis Christi profici; et si negent tumilli, qui eos effectus esse prædestinationis negant, tum de quibusdam donis naturalibus etiam Molina hic quæst. 23. art. 5. disp. 2. tametsi aliquo faciat, eiusmodi naturalia quædam bona esse effectus prædestinationis. Certior verò est assertio de gratuitis illis Dei donis, que natura ac naturalibus bonis superueniunt, ut dictum. Neque enim vlo modo audiendi Capreolus in 3. distinet. 18. quæst. vnic. artic. 3. Ferrariensis 4. contra gentes cap. 55. Adamus Sasbout in 1. cap. ad Philipp. sub finem, item Driedo & Sonnius inferius eitandi, dum asserunt, fidem, & alias dispositiones adiustificationem, non ex meritis Christi, sed ex sola Dei voluntate nobis concedi: qui merito refelluntur à Molina loco cit. & Vasquez disput. 94. cap. 1. & 5. & in materia de Incarnatione ex instituto refutandisunt.

Ratio assertionis est. Quia cum de fide sit, Christum esse causam meritoriam Iustificationis nostræ, atque adeo ipsius etiam consecutionis vita æternæ, ut constat ex Concilio Tridentino, sessione 6. cap. 7. & can. 3. nulla est ratio, cur negetur, esse causa meritoria omnium etiam aliorum effectuum prædestinationis minus principalium. Accedit, quod Christus est causa vniuersalis nostræ salutis & redempcionis; ergo etiam effectuum omnium ad nostram salutem speciatim ordinatorum, seu ex efficaci intentione salutis nostræ prodeuntum.

Affertio II. Christus est causa meritoria omnium effectuum prædestinationis, etiam eorum, qui extra ipsum prædestinatum peraguntur, saltem exceptis particularibus quibusdam meritis & operibus ipsius Christi, ex speciali eiusdem intentione, efficaciter huic vel illi prædestinato applicatis. Sumitur ex S. Thoma 3. p. quæst. 24. artic. 4. Caietano, & Thomistis recentioribus ibidem, Alensi 3. p. quæst. 3. memb. 5. Bonaventura in 3. distinet 11. art. 1. quæst. 3. Alberto dist. 10. art. vlt. Richardo art. 4. quæst. vlt. Durando quæst. 3. Paludano quæst. 1. art. 3. qui omnes absolute docent, Christi prædestinationem esse causam nostræ prædestinationis, & loquantur in primis etiam de causa meritoria. Eandem assertionem supponunt Suarez lib. 2. de prædestinat. cap. 24. & Vasquez disput. 94. cap. 2. & alij recentiores communiter, abstrahendo tamen itidem à particularibus controversijs, an omnia auxilia seu media extrinseca salutis nostræ sint effectus prædestinationis.

Excipio Durandum in 3. distinet. 11. quæst. 3. Franciscum Sonnum lib. 2. demonst. Euang. tract. 3.

cap. 19. Molinam quæst. 23. art. 5. disp. 2. & Gregorium de Valentia hic quæst. 23. punct. 4. § 1. qui cum sentiant, ipsius quoque Christi Incarnationem & merita esse effectus prædestinationis, conseqüenter negant, Christum promeritum esse nobis omnes effectus prædestinationis, qui extra nos peraguntur; de quo ferè sola nominis quæstio est, ut bene etiam Vasquez disputatione 94 numero 37. Sed quia nos contrarium supponimus ex dictis supra quæstione 2. dub. 1. idcirco recte vniuersum pronuntiamus, Christum esse causam omnium effectuum prædestinationis nostræ; quod magis consonum est antiquis Theologis. Ratio sumitur ex præced. assert.

Dixi tamen, exceptis saltem particularibus Christi meritis, &c. quia hoc ipso quod cit. quæst. 2. dub. 1. diximus cum Suarez, particularia huiusmodi merita probabiliter esse etiam effectus prædestinationis eius, cui fuerunt à Christo particulatim applicata, fieri non potest, ut Christus omnes omnino effectus prædestinationis sit promeritus; quia ea ipsa merita Christus non est promeritus, ut quoad hoc recte docent citati Doctores: aliqui & ipsam Incarnationem seu vniōnem hypostaticam, ex qua merita Christi suam vim trahunt, fuisse promeritus, quod tamen dici non potest, ut suo loco de Incarnatione docetur. Quocirca necessariò fatendum est, Christum non meruisse omnes effectus prædestinationis respectu talis prædestinati, cuiusla quedam eiusmodi opera efficaciter & particulatim applicauit: quod singularē est, & quasi præter communem regulam.

Assertio III. Christus non solum promeruit effectus prædestinationis nostræ modo explicato, sed etiam ipsam eiusmodi effectuum prædestinationem; seu quod idem est, liberam determinationem diuina voluntatis ad eiusmodi effectus conferendos. Hæc assertio est contra Almainum in 3. d. 19. quæst. 1. Maiorem ibid. quæst. 1. Adamum Sasbout comment. epist. ad Ephes. in illud cap. 1. Sicut elegit nos ipso, item contra Sonnum loc. cit. & Driedonem de capt. & redempt. gen. human. tract. 2. cap. 2. p. 3. a. 4. & tract. 4. p. 2. cap. 8. memb. 3. Sed est ex mente authorum, quos citauimus pro præced. assertione, dum absolute ferè asserunt prædestinationem Christi esse causam prædestinationis nostræ. Idem expressè docent Vega lib. 4. in Trident. cap. 5. Vigerius Institut. Theol. cap. 20. §. 8. v. 3. Eckius in Chrysopasso centur. 3. num. 34. Suarez lib. 2. de prædestin. cap. 22. & 24. num. 12. & 38. & 3. p. tom. 1. d. 41. scđt. 4. Gregorius de Valentia hic q. 23. punct. 4. § 1. Molina q. 23. a. 5. disp. 2. Vasquez disp. 91. num. 2. & disp. 94. cap. 2. 3. & 4. præst̄im num. 34 qui propterea concedunt, Christum esse causam meritoriam nostræ prædestinationis, etiam aliquo modo ex parte ipsius actus, non quod promeruerit ipsam entitatem actus prædestinationis, seu etiam ipsum aeternum prædestinationis absolutè, sed solum quatenus referunt ad creaturas: tametsi plerique Scholastici veteres ita soleant distinguere, ut negent causam prædestinationis ex parte ipsius actus, concedant verò ex parte obiecti, ut videre est apud Albertum & Bonaventuram, Richardum, Durandum, & alios in 1. dist. 4. & Gandavensem quodlib. 4. quæst. 19.

6 Quomodo etiam loquitur S. Thomas loco cit. & hic quæst. 23. art. 5. vbi ait: *Cum prædestinatione includat voluntatem, ut supra dictum est, sic inquirenda est ratio prædestinationis, sicut inquiritur ratio diuinæ voluntatis. Dictum est autem supra, quod non est absque causam diuinæ voluntatis ex parte actus volendi; sed potest absque causam ex parte volitorum; in quantum scilicet Deus vult esse aliiquid propter illud. Nullus ergo fuit ita insana mente, qui diceret, merita esse causam diuinæ prædestinationis, ex parte actus prædestinantis. sed hoc sub quaestione veritur, utrum ex parte effectus prædestinationis habeat aliquam causam.* Et hoc est querere, *utrum Deus præordinaverit se daturum effectum prædestinationis aliquid propter merita aliqua.* Ita S. Thomas: quem imitati sunt etiam alij Scholastici, vt dictum.

7 Sed qui reuera posuit assertioni minimè aduersantur. Nam vt bene notauit Suarez loco cit. duobus, aut potius tribus modis intelligi potest, ex parte ipsius actus prædestinantis, nullam dari causam prædestinationis. Primum, vt actus prædestinationis secundum se & suam entitatem absolutam spectetur; quatenus nimur à parte rei idem plane est, quod essentia diuina: & hac ratione certum est, nullam eius causam dari, nec æternam, nec temporalem, non magis quam ipsius essentie diuina, quæ penitus, vt ita dicam, infactibilis & incausabilis est; ita quidem vt nec illa ratio eius obiectum prior assignari possit, cur sit & quare sit: est enim Ens ex seipso undequaque necessarium, primum & independens, vt disp. 2. q. i dictum.

Secundum ita intelligi potest, vt actus prædestinationis non accipiatur quidem nude secundum suam entitatem & quasi materialiter, sed potius formaliter, vt per modum actus vitalis, tendit & terminatur ad sua obiecta; caula tamen vocabulum accipiatur propriè & strictè, pro causa realiter influente: & hoc modo itidem certum est, nullam dari causam prædestinationis; quia nec obiectum diuini actus, nec quicquam sive in Deo, sive extra Deum realiter influit, aut ullam causalitatem veram & realem exercet in actu internum, seu voluntatis, seu intellectionis Dei: quia alioquin saltem secundum tendentiam illam suam vitalem in obiectum, esset Ens realiter causatum, & ab alio dependens; ac proinde nec esset Deus; quod tamen repugnat dictis supra-quæst. 8. & 10. dub. 1.

8 Tertiò vero accipi potest prædestinatione formaliter secundum tendentiam ad obiecta, & causa latè, prout dicit quamecumque rationem vel condicionem obiectum: & sic nil obstat, quo minus detur causa prædestinationis, seu electionis & dilectionis diuina, ex parte quoque ipsius actus diuini; non quidem secundum suam absolutam entitatem spectat, vt dictum, sed vt libere terminatur ad hoc vel illud obiectum: quandoquidem hac ratione vniuersim docuimus supra q. 10. dub. 5. darialiquam rationem diuine voluntatis; & recte dici, Deum velle hoc, propter illud: tametsi Vasquez, quia vt ibidem vidimus, contrarium docuit, etiam in hac ipsa re locis cito. aliter loquitur, & solum admittit causam & rationem assignari posse actus prædestinationis, secundum relationem rationis, qua referuntur ad obiecta, hoc sensu, non vt dicamus merita Christi, aut etiam aliquid, per modum finis, præter ipsius Dei

bonitatem, esserationem, vt velit nos prædestinare, sed solum esserationem, ob quam esse velit effectus nostra prædestinationis. Sed nos, vti citata quæst. 10. dub. 5. generatim probauimus, dari rationem aliquam obiectum ipsius diuinæ voluntatis, ita in presenti etiam materia absolute dicimus, merita Christi esse rationem quandam obiectum prædestinationis nostra, quatenus ad omnes effectus nostra prædestinationis terminatur, vt dictum.

Fundamentum autem eius assertionis esse debet. Quia merita Christi, saltem vt abstrahunt ab eius passione & morte, sunt priora in diuina prædestinatione, nostra prædestinatione, vt dicimus quæstione sequent. dub. 7. Ergo vt præiuia potuerunt esse, nostro modo concipiendi, causa seu ratio ipsius prædestinationis nostra: Ergo re ipsa ita factum est; cum hoc sit dignitati Christi valde consenteaneum. Neque enim adid plus requiritur, quam vt Deus prædestinando respexerit ad Christi merita, veluti secundum diuinam prædestinationem priora nostra prædestinatione. Idem fatus exp̄res docet Apostolus Ephes. 1. v. 4. *Elegit nos in ipso (Christo) ante mundi constitutionem, ut essemus sancti & immaculati in conpectu eius, in charitate. Qui prædestinavit nos in adoptionem filiorum per Iesum Christum, in ipsum secundum propositionem voluntatis sua.* Quocirca etiam Vasquez cit. disp. 9.4. & quidam alij, non dubitant dicere, hanc esse doctrinam fidei: quod tamen Suarez non probatur; maximè si loquamur de prædestinatione nostra respectu omnium effectuum; in quibus, vt dictum, nonnulli ipsa etiam merita Christi collo-

cant...
10
Asserio I V. Tametsi quidem Christus, modo explicato, sit causa meritoria Electionis nostra, etiam in particulari spectatæ, vt est absoluta & efficax horum vel illorum dilectio seu destinatio ad gloriam & gloriam: attamen si loquamur de Electione comparatiæ, vt est electio aliorum præalij, seu vt est huius, vel illius potius, quam aliorum; adeoque si loquamur de ipsa libera determinatione diuina ad hos potius, quam ad alias personas prædestinandas, verius est, si propriè loquendum sit, electionis ita spectatæ, causam ex parte Christi nullam assignari posse; sed eam solum referendam in ipsum diuinæ voluntatis beneplacitum. Ita Suarez hic lib. 2. cap. 24. num. 12. & 21. eti Vasquez disput. 9.4. cap. 3. & quidam alij quoad posteriorem partem oppositum doceant. Prima pars supposita præced. assert. est extra controversiam; neque enim quisquam negat, aut negare potest, Christum esse causam meritoriam nostra electionis absolute spectatæ, nisi qui negat, esse causam prædestinationis nostra: cum electio & prædestinatione non solum ex parte effectus, sed etiam ex parte Dei, secundum durationem & entitatem suam idem quodammodo sint, & par sit ratio utriusque. Idem vel maximè patet ex illo cit. Ephes. 1. *Elegit nos in ipso, &c.*

Quoad secundam partem, vt dictum, controversia est: sed rursus solum de nomine & modo loquendis; vt rectè etiam notauit Suarez loco cit. in quo tamen magis probatur id quod in assertione diximus. Tum quia electio sic spectata ita vnius dilectionem significat, vt simile etiam connotet & includat desertionem

alte-

alterius; cuius tamen Christi merita causa non sunt. Tum quia, ut fatur Vásquez num. 21. Christus non fuit causa electionis ita relata consideratæ Sanctorum veteris Testamenti; quorum tamen in proposito non videtur diuersa ratio à Sanctis noui Testamento, ut rectè etiam Suarez. Tum quia merita Christi, ut ratione antecedentia nostram prædestinationem, ex erant causa vniuersalis, & quasi indifferens prædestinationis; nec minus apta ad prædestinationem huius, quam illius, aut omnium, quam aliquorum. Quare ex vi illorum meritorum, potuisse Deus homines ad beatitudinem efficaciter ordinare, nullam electionem inter eos faciendo; sed aut omnes efficaciter prædestinando; aut omnes solum sufficienter ordinando ad gloriam: Ergo determinatio facta est ab ipso Deo, pro eius beneplacito.

Quod etiam declaratur exemplo simili testatoris: qui si præcipiat heredi, ut centum virgines in matrimonio elocet; clarum quidem est, ipsam electionem etiam in particulari spectatam, ut est talium virginum, cùs effectum testamenti; attamen electionis harum potius, quam illarum, causa est insola voluntate heredis potita. Denique idem est etiam adhuc consentaneum doctrinæ S. Augustini & S. Thomæ, dub. præsenti expositæ, cum dicunt, nullam posteritatem reddi, cur hic potius, quam ille sit prædestinatus: posset enim alioqui eius rei reddi ratio saltem ex parte meritorum Christi; quia ipse vni potius, quam alteri promeritus fuisset prædestinationem.

Nec obstat, quod Christus efficaciter nonnumquam oravit pro his prædestinatis in individuo; eosque pròinde voluit efficaciter, ex vi meritorum suorum saluari, ut colligitur ex Ioan. 17. Non promundor ergo, sed pro his, quos dedi mihi. Tum quia hæc voluntas ex ipsa intentione Christi est posterior electione & determinatione Dei, & ab ea dependens; ideo enim ita efficaciter pro his vel illis oravit Christus; quia hos vel illos iam ante videt à Deo prædestinatos. Tum quia si in particulari pro quibusdam ita oravit, iam talis oratio est effectus prædestinationis ad gloriam eorumdem prædestinatarum, ut dictum dub. præcedat. ac proinde tales etiam ex hoc capite prius electi sunt ad gloriam, quam intelligantur menti diuinae talia merita Christi repræsentata, ut actu quandoque futura, iuxta generalem doctrinam sequenti quæstione tradendam, electionem ad gloriam priorem esse prædestinationem diuinarum, respectu vniuersaliumque prædestinati. Qui verò contrarium asserunt, in æquoco laborant, ac verbis potius, quam re ipsa dissentiant: nec eorum argumenta plus probant, quam electionem quoque ipsam absolute factam fuisse ex meritis Christi, etiam singulorum in particulari; sed non ita, ut merita Christi causa essent, cur hi potius, quam illi eligerentur; cum paritatem, quantum est ex meritis Christi, ali potius, quam illi eligit à Deo potuerint, ut in simili dictum dubio præcedenti.

Affertio V. Nullus homo purus secundum legem Dei ordinariam est, aut potest esse causa meritoria omnium effectuum prædestinationis alterius hominis, nec etiam ipsius prædestinationis in se, quo-

ad absolutum decretum dandi gloriam. Hæc est doctrina S. Thomæ hic quest. 23. artic. 8. vbi ait: In prædestinatione duo sunt consideranda, scilicet ipsa prædestinatione diuina, & effectus eius. Quantum ad primum, nullo modo prædestinatione iuuatur preciosa sanctorum. Non enim precibus sanctorum fit, quod aliquis prædestinatur à Deo. Quantum verò ad secundum dicitur prædestinatione iuuari precibus sanctorum, & alijs boni operibus. Quia prouidentia, cuius prædestinatione est pars, non subtrahit causas secundas: sed sic prouidet effectus, ut etiam ordo causarum secundarum subiaceat prouidentie. Et paulò post addit: sub ordine prædestinationis cadere, quicquid hominem promovet in salutem, vel orationes proprias, vel aliorum, vel alia bona, vel quicquid huiusmodi, sine quibus aliquis salutem non consequitur. Quibus verbis S. Thomas posteriore assertio partem expresse tradit, priorem verò hoc ipso docet, quod inter effectus prædestinationis vniuersaliumque numerat etiam preces aliorum, quibus ad salutem promouetur. Eadem est sententia Durandii in 1. diff. 41. quest. 3. num. 4. & communis Thomistatum cit art. 8. quam tuerit pluribus Suarez hic lib. 2. de prædestin. cap. 24. num. 2. eti Vásquez disp. 94. cap. 5. quoad utramque partem contrarium sentiat, ratus etiam alios posse esse, vel dici causam suo modo, ac sernata proportione, omnium effectuum nostra prædestinationis, ac ipsius etiam liberæ determinationis diuinæ, ad nos prædestinatos. Quam sententiam Suarez loc. cit. vocat nouam ac singularem: quamvis quoad priorem partem controvergia sit potius de nomine, quam de re ipsa, ut bene etiam notauit Vásquez num. 36.

Ratio prima partis, de omnibus effectibus prædestinationis, &c. sumitur ex dictis: quia ipsa quoque eiusmodi merita seu preces alterius, alicui speciatim applicatae, sunt effectus prædestinationis eius, cui ita efficaciter profundit ad salutem, ut dictum quest. præced. dub. 1. eti contrarium supponat Vásquez ex dictis ibidem: nec verò iuxta legem Dei ordinariam efficaciter prædestinatis possunt, saltem ad quosdam effectus prædestinationis, ut est gratia congrua, nisi aliquo modo speciatim applicatae. Quod si B. Virgo, aut alius Sanctus, efficaciter orasset Deum pro omnibus prædestinatis subsecuturis, aut vna secum videntibus, ad gratiam & gloriam illis impetrandum, nec tunc tamen omnium effectuum prædestinationis aliorum causa meritoria fuissent, quandoquidem inter effectus prædestinationis aliorum fuissent illæ ipsæ preces, saltem generatim, alij sita applicatae.

Dices. Deus portat B. Virginem, aut alium Sanctum ea prærogativa aut excellentia honoris afferte, ut eius merita veller esse causam vniuersalem meritoriam omnis boni, omnibus prædestinatis conferendi, etiam sine alia speciali applicatione; quo pacto merita eiusdem Sancti non magis fuissent effectus prædestinationis eiusdem Sancti, quam merita Christi. Respondeo, hoc argumento rectè probari, secundum absolutam Dei potentiam nihil obstat, quo minus ita fieri potuerit: sed ita factum esse, non probatur: eti pè potius, quam verè ita quidam de B. Virginie loqui videantur, de qua re in 3. parte plura.

Secunda pars de ipsa prædestinatione probatur

14

15.

16

primum auctoritate. Ita enim satis aperte docet S. Augustinus lib. de bono perseuer. cap. 22. cum ait: *si qui sunt non dum vocati, præcessi, ut vocentur, oremus; fortasse etiam sic prædestinati sunt, ut nostris orationibus concedantur.* Vbi aperte non propter orationes, sed ut orationibus iuuentur, prædestinati dicuntur: sunt ergo orationes effectus prædestinationis aliorum, non causa. Eodem modo loquitur S. Gregorius lib. 1. dialog. cap. 8. vbi docet, prædestinationem iuuari precibus Sanctorum; non quia oratio sit ratio vel causa prædestinationis, sed quia, inquit, ipsa quoque perennius regni prædestinatione ita est ab omnipotenti Deo disposita, ut ad hoc electi pro labore perueniant, quatenus postulando mereantur accipere, quod eis Deus ante secula dare disposuit. Vbi rursus preces inter effectus prædestinationis referuntur.

Denique B. Prosper lib. 2. de vocat. gent. cap. penult. alias vlt. *Deus ergo, inquit, ipsi quo legit sine meritis, datur uocentur & meritis.* Et frustra dicitur, quod ratio operandi non sit electio, cum ad hoc operentur, ut electi sint; hoc est, tales, quales per electionem præsumti sunt. Et infra: *Quamvis ergo quod statuit Deus, nulla posse ratione non fieri, studia tamen non tolluntur grandi, nec per electionis proprium liberis arbitrii studium relaxatur; cum impleta voluntatis Dei, ita sit præordinatus effectus.* Fauet etiam illud Ephel. 1. *Prædestinati secundum præpositum emi non ob preces aliorum, &c.*

Ratio est. Tum quia nos ipsi non sumus causa meritaria nostra prædestinationis ad gloriam, ut dicitur dub. 5. & quest. seq. dub. 4. cum tamen interim gloriam ipsam utique promeremur. Tum quia universim prædestinationem mediiorum, quibus quisque iustus salvabitur, non est ratione prior, sed posterior prædestinatione ad gloriam, ut eodem dub. 4. patet. Cum ergo meritum tale sit effectus prædestinationis illius, cui quis promeretur gratiam, &c. adeoque posterior ipsa prædestinatione, fieri non potest, ut sit causa meritoria eiusdem prædestinationis.

Quod autem pro contraria sententia dicitur, ad hoc, ut aliquid dicatur meritoria causa prædestinationis ad aliquem effectum, satis esse, quod sit causa ipsius effectus, seu quod Deus decreuerit conferre, effectum tali causa mediant, insuper etiam ex eo resellitur: quia sic quoque B. Virgo, & Patres veteris Testamenti dici possent meruisse, aut impetrasse prædestinationem Christi Domini, & electionem humanitatis illius ad uunionem hypostaticam, ad cuius executionem varijs modis ipsi contulerunt: id quotdame dici non potest, ut velut certum supponit S. Augustinus lib. de prædest. Sanct. c. 24. Requiritur ergo, ut meritum sit causa & ratio quadam obiectiva, prior in mente diuina, ob quam Deus hoc vel illud prædestinaverit.

Dices; Qui meretur, ut aliquis sibi vel alteri quipiam conferat, meretur etiam, ut is vellet seu decernat illud conferre. Ergo etiam qui meretur sibi aut alteri vitam æternam, meretur etiam, ut Deus vellet siue decernat illam conferre: Ergo meretur prædestinationem eiusdem effectus. Respondeo negando postremam consequentiam. Satis enim est, quod mereatur, ut Deus decreto executuo veliteum effectum conferre, quod libenter concedimus. Aliud est autem decretum prædestinationis, ut dicetur quest. seq. dub. 3. 4. & 5.

Assertio VI. Possunt tamen homines etiam mortales suis meritis & precibus conducere efficaciter ad executionem prædestinationis aliorum, respeculi quorundam effectuum. Ita S. Thomas cit. quest. 23. artic. 8. & communis omnium Doctorum; quam expresse etiam tradunt Patres, praesertim Augustinus, Gregorius, Prosper locis citatis assertione præcedenti. Ratio sumitur ex dictis. Quia etiam si Deus ratione prius prædestinaverit homines, quam præuiderit ei usmodi media, non tamen destinauit exequi sine subordinatis medijs, sed potius per ipsa media, ut ex S. Augustino, Gregorio, & Prospero dictum. Inter haec vero media ad salutem cuiusque efficaciter conducere possit aliorum preces & merita, non ita quidem, ut quisque aliis etiam de condigno mereri grataria auxilia possit, sed de congruo, aut certè etiam sine merito impretrare, suò loco in 3. part. ex instituto docetur, & de fide est, ex Concilio Tridentino sess. 22. cap. 2. & fess. 25. decreto de Inuocat. Sanctor.

D V B I U M III.

*Quenam contra varias hereses
certa sint circa causam meritoriam
Prædestinationis, ex parte
prædestinationis.*

S. Thomas I. p. q. 23. a. 5.

Vppositis ijs, quez dubio 1. & 2. de causa Prædestinationis tum finali ex parte Dei, tum meritoria ex parte Christi diximus, grauis nunc est controversia, de causis prædestinationis ex parte ipsius prædestinat. Nec est controversia de causa materiali sive subiectiva effectuum prædestinationis. Constat enim ex dictis questione prædenti, ipsum prædestinatum esse subiectum omnium pene effectuum prædestinationis; exceptis ministris ijs, qui vel sunt ipsam substantia, & existentia prædestinati, vel extra prædestinatum peraguntur. Sed nec de causa efficiente difficultas est; quando similiter ex dictis ibidem constat, prædestinatum esse non quidem omnium, sed plurimorum tamen causam efficientem; ut suis locis in specie de singulis declaratur, & recte persequitur Gregorius de Valencia hic questione 23. punct. 4. §. 1. Neque etiam de causa finali sermo est; siquidem confateriam, ipsum prædestinatum esse aliquo modo finem cui, minus latenter principalem, eorum effectuum, qui Esse naturale ac existentiam prædestinati supponunt: qua ratione etiam inferior dub. 4. dicemus, inter ipsos effectus prædestinationis mutuo unum esse alterius causam.

Est ergo solum questio de causa morali aliquo modo mouente, an videlicet ex parte ipsius prædestinati detur causa vel ratio aliqua moralis, vello modo motiva, seu per modum alicuius meriti, seu impetrationis, seu dispositionis, aut causa, sine qua non, seu conditionis remouentis obicem,

fue